

四經同卷

八五

寶月童子問法經

佛說蓮華眼陀羅尼經

觀想佛母般若波羅蜜經

如意摩尼陀羅尼經

大乘寶月童子問法經

西天譯經三藏朝散大夫諡號少卿傳法大師臣護奉 詔譯

如是我聞一時佛在王舍城鷲峯山中與大
苾芻衆五万五千俱胝一心行菩提行無能
勝菩薩等八万百千無數俱胝那更多諸天
人等百千那更多

爾時世尊於其食時著衣持鉢與苾芻衆并

諸菩薩天龍神等恭敬圍遶入王舍大城於
彼乞食是時頻婆娑羅王子名寶月童子因
爲事故乘大龍象出王舍大城遙見世尊即
下龍象而詣佛所到已致敬頭面禮足住立
一面寶月童子白佛言如來應供正等正覺
唯願世尊說彼十方如來所有名號若有信

心善男子善女人聞是名已所有五逆等罪
及一切業障悉皆消除於無上正等正覺速
得不退

爾時世尊告寶月童子言善哉善哉汝能樂
聞如來名號之義此意賢善一切罪業決定
消除童子汝今諦聽善思念之我爲汝說童

子過於東方百千俱胝那更多恒河沙等佛
刹彼有世界名曰無憂彼有如來名賢吉祥
應供等正覺少病少惱乃至爲諸衆生恒說
妙法彼佛壽命六万百千俱胝那更多無數
劫彼世界中無其日月晝夜唯有佛光普照
一切及照地獄傍生炎魔羅界一切衆生令

得解脫無量衆生得無生法忍

佛言童子南方過百千俱胝那更多恒河沙
等佛刹彼有世界名曰寂靜彼有如來名無
邊光應供正等正覺爲諸衆生恒說妙法
佛言童子西方過百千俱胝那更多恒河沙
等佛刹彼有世界名曰歡喜彼有如來名喜

吉祥應供正等正覺為諸衆生恒說妙法

佛言童子北方過百千俱胝那更多恒河沙

等佛刹彼有世界名曰不動彼有如來名曰

寶幢應供正等正覺為諸衆生恒說妙法

佛言童子東南方過百千俱胝那更多恒河

沙等佛刹彼有世界名曰正行彼有如來名

八五

二

蘇

曰無憂吉祥應供正等正覺為諸衆生恒說

妙法

佛言童子西南方過百千俱胝那更多恒河

沙等佛刹彼有世界名曰寶幢吉祥彼有如

來名曰寶幢應供正等正覺為諸衆生恒說

妙法

佛言童子西北方過百千俱胝那更多恒河

沙等佛刹彼有世界名曰妙聲彼有如來名

吉祥花應供正等正覺為諸衆生恒說妙法

佛言童子東北方過百千俱胝那更多恒河

沙等佛刹彼有世界名曰寶樂彼有如來名

蓮華光嬉戲智應供正等正覺為諸衆生恒

說妙法

佛言童子下方過百千俱胝那更多恒河沙

等佛刹彼有世界名曰廣大彼有如來名光

明吉祥應供正等正覺為諸衆生恒說妙法

佛言童子上方過百千俱胝那更多恒河沙

等佛刹彼有世界名為月光彼有如來名財

吉祥應供正等正覺為諸衆生恒說妙法

童子如是一切世界佛刹皆有清淨梅檀樓

閣所有如來名號若人聞已恭敬受持書寫

讀誦廣為人說所有五逆等一切罪業悉皆

消除亦不墮地獄傍生焰魔羅界於無上正

等正覺速得不退於意云何童子於過去大

八五

三

蘇

無數及廣大無邊無數劫時有世界名曰寶

生彼有如來名精進吉祥應供正等正覺彼

十如來於精進吉祥佛所為菩薩位於其佛

前供養發願我等各於佛刹成無上正等正

覺之時若有衆生經刹那間至須臾之間聞

我十佛名號聞已恭敬受持書寫讀誦廣為

人說所有五逆等一切罪業悉皆消除亦不墮地獄傍生炎魔羅界於無上正等正覺速得不退

爾時寶月童子如是聞已而復白言世尊彼佛如來壽量云何世尊答言彼佛壽十阿僧祇百千俱胝那由他多世界微塵等劫童子聞

已白佛言彼佛如來甚為希有如是悲心發願為諸眾生得此壽量佛言童子若有眾生聞此十佛名號恭敬受持書寫讀誦信樂修行所有無量無邊福德悉得具足三業之罪亦不能生童子若有善男子善女人於恒河沙等佛刹滿中七寶供養如來經百千歲獲

福無量若善男子善女人聞是十佛名號恭敬信受書寫讀誦為他解說所得福德勝前供養無量無邊

爾時索訶世界主大梵天王帝釋天子四天王大王蘇臬麼天子大自在天子以最上梅檀香料散世尊前而為供養白世尊言若有衆

生於此正法書寫讀誦信解受持得一切天人阿脩羅尊重禮拜所有地獄畜生炎魔羅界阿脩羅身及餓鬼趣皆得解脫佛言若此正法耳根得聞受持讀誦罪惡魔冤不能侵害於阿耨多羅三藐三菩提速得不退爾時世尊而說頌曰

持此世尊十名號 如是壽命俱胝劫

佛說功德不思議 未來成就二足尊

爾時頻婆娑羅王寶月童子白於世尊而說伽他曰

大無畏善說 無邊無量佛 衆生最上師

我今歸命禮 如是今修學 一切佛知見

八五

四

願斷於煩惱 速成於菩提

爾時童子說此頌已白世尊言我今如是所

有忍辱菩薩大智惣持法門方廣之教佛菩

提行如是修學行菩提行

爾時世尊復說頌曰

若人受持佛名號 水火盜賊不能侵

毒藥刀杖王難等 一切諸苦自消除

如是速得於菩提 廣令流布佛名號

若此正法於末世時有人受持讀誦此人命

終速成佛道若以香花供養一切諸佛經多

劫時不如有人於此正法暫時書寫讀誦所

得福德無量無邊若人以最上所愛七寶滿

於一切刹土之中供養一切諸佛亦不如讀

誦此經得福甚多佛說此經時無量百千俱

胝那更多衆生發阿耨多羅三藐三菩提心

無量無邊衆生得無生忍不退轉於阿耨多

羅三藐三菩提佛說是語時寶月童子等皆

大歡喜作禮而退

大乘寶月童子問法經

八五

佛說蓮華眼陀羅尼經

三藏法師施護奉 詔譯

曩謨 引 囉怛曩 合 怛囉 合 夜 引 野曩麼阿 引

八五

五

蘇

哩也 合 鉢納摩 合 你 引 怛囉 引 合 野怛他 引

誡多 引 野曩謨薩哩 合 你 合 囉拏尾瑟迦

野怛你也 合 他 引 唵 引 哆囉哆囉底哩底哩

覩嚕覩嚕迦羅迦羅吉隸吉隸俱嚕俱嚕婆

囉婆囉鼻哩鼻哩部嚕部嚕曩野曩野俱嚕

俱嚕謨乞 又 引 合 播野娑嚕 引 合 賀 引 入嚕

合 羅曩嚕 合 你 合 你鼻 引 娑嚕 引 合 賀 引 薩

哩嚕 合 怛他 引 誡多 引 底瑟取 合 帝 引 娑嚕

引 合 賀麼麼薩哩嚕 合 薩怛嚕 合 難左娑嚕

合 賀 引

此蓮華眼陀羅尼若復有人於其晨朝恭敬

供養及念此陀羅尼一百八徧一日二日乃

至三十七日至心持誦一切罪障悉皆除滅

亦不患其眼病耳病鼻舌身病心不邪亂復

得五種眼清淨五種鼻清淨五種舌清淨五

種意清淨身相端直心離垢染於一切生中

恒發菩提心與諸聖衆常得見佛而聽妙法